

# INUIT ATAQATIGIIT

## INATSISARTUNI



UPA2024/70/100  
Apr.-ip 16-at 2024  
Harald Bianco

**Kalaallit Nunaanni pillaasarnermut inatsi eqqunnissaanut piareersaatit suliniutiltu pisariaqartut aallartinnissaanut tunngavissamik pilersitsisussamik aallartisartoqarnissaa anguniarlugu, Naalakkersuisut rigsmyndighed attavigin-nissaanut piumaffigineqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Anna Wangenheim, Demokraatit)

**Naalakkersuisut peqquneqarnissaannik Inatsisartut aalajangiiffigisassaattut siunnersuut, Naalakkersuisut ataatsimiititaliarsuarmik pilersitsissasut piner-lussimanermi pillaasarnermut inatsimmik suliarinnittussamik aammalu eq-qussisussamik. Ataatsimiititaliarsuup suliariumaagai Inatsisartut ukiaanerani ataatsimiinnermi 2025-imi saqqummiunneqassapput.**

(Inatsisartunut ilaasortaq, Kuno Fencker, Siumut)

Siullermik siunnersuuteqartunut, Anna Wanngenheim Demokraatit aamma Kuno Fencker Siumut, kiisalu Naalakkersuisut akissuteqaataannut qujanaq.

Naalakkersuisut saqqummiussaminni oqaatigisaattut siorna ukiakkut sammisatsinnit nangitsineruvoq massakku qaquinneqatunut.

Inuit Ataqatigiinit isumaqatigilluinnarpalput navianaatilimmik pinerliisarnerit minnerungitsumik meeqlanut innarliisarnerit sapinngisamik appartinniarneqarnissaat. Tassani pingaaruteqarpoq siusissukkut kiisalu pinaveersaartitsinermi iliuutsit annertusartuar-nissaat. Taamatullu pinerleereersut pinerleeqqinqinnissaannut suliniuteqarnerup an-nerthusartuarnissaa pitsaanerusumik aqqutissiuuneqartariaqartoq Inuit Ataqatigiinit isu-maqarpugut.

Pingaaruteqarpoq pinerluttulerinermi inatsisip nunatsinni inooriaatsitsinnut naleqqut-tuunissaa naleqqutunngorsarluarnissaaluu, innutaasut naatsorsuutigisinnaasaanik tatigi-sinnaasaanillu inatsisitigut atugaqarnissaat naapertuilluarnerup aqqani.

Inatsisit atuutsinneqarneranni killiliussat nunatsinni innuttaasunit kiisalu politikkerinit oqallisaasartut malunnartarpoq. Tamanna tupinnanngilaq eqqartornissaaluu pingaarute-qarlni. Aamma eqqartuinerup iluaqtitarissavaa, isummanik peqqissaartumik piviusu-millu katersinissaq.

Naalakkersuisut akissuteqataanni takuneqarsinnaavoq, Naalakkersuisut peqqissaartumik suliamik aallartitsereersimasut. Aamma eqqartuussisarneq pineqaatissiisarnerlu pillugit suleriaqqinnissamut ilisimatusartumik Naalakkersuisut isumaqatigiissuteqarsi-

# INUIT ATAQATIGIIT

## INATSISARTUNI



manerannik ilaatigut peqquteqartoq takuneqarsinnaasoq. Tamanna Inuit Ataqatigiinit pitsaasutut isigaarput, pineqartunimi samminninnerput annertoreerpoq. Taamaattumik Naalakkersuisut utaqqisaqaratik alloriaqqereersimanerat nuannaarutissaasoq Inuit Ataqatigiinit isumaqarpugut.

Nunatsinni eqqartuuussisarneq pineqaatissiisarnerlu pineqartillugit, nunatsinni innutta-sut pineqartut isumaasa aallaaviunissaat pingaartipparput, taakkumi suliat tutsuiginartuunissaat pillugit aallaaviussammata pissusissamisoortoq inissaminiittorlu Inuit Ataqatigiinit isumaqarpugut. Inuit Ataqatigiinit isumaqarpugut, nunatsinni innuttaasut isumaat misissuinermi pingaarnertut aallaaviusussaasut, siunissami pineqaatissiisarnerup qanoq inissikkumaarnissaanik pingaarnertut tunngaviliisujumaarut qularutissaanngilaq.

Akisussaaffit assigiinngitsut qallunaat nunaanniit tigusakkavut, eqquuttakkavut amerla-suutigut nunatsinnut naleqqussarnagut naleqqussalaaginnarlugilluunniit periuseqartar-neq takornartaanngilaq.

Ukiut kingulliit nunatsinnut ingammik inatsiseqarnikkut eqquuttakkatsinni peqqissaartumik naleqqussaasарneq periuserineqaleriartuinnartoq Inuit Ataqatigiinit maluginiartar-parput, alloriaqqinnissamut qallunaat Naalakkeruisuinut saaffiginneqqaanngikalurluta. Tamanna pissusissaminiippoq inissaminiilunilu.

Naggataagut oqaatigisavara nunarsuarmi, misilittakkat qiviaraanni pillaasarnerup sak-kortusineratigut pinerleeqqittarnernut annertunerusumik millisaataaneq ajortoq naluneqanngilaq. Imaassinjaavoq allanut iluaqutaasartoq, ass. ikiaroornartulerinermut. Taamaattumik pineqaatissiisarnerup (pillasarnerup) sakkortunerulernissaanut Inuit Ataqatigiit isumarpus tassaniinngilaq.

Inuit Ataqatigiinit isumaqarpugut siusissukkut iliuuseqarneq minnerunngitsumik pina-veersaartitsineq iluatsittumik aalluttuarneqarnera annertunerujussuusariaqartut. Tas-sani ilaatigut atuarfik, inuusuttullu ornittagai il. il. aaqqissuussamik suleqatigineqarsin-naapput.

Naalakkersuisut suliamik aallartitsereersimanerat kiisalu suleqatigiittussanik, maluga-lugu "ilisimasaqarluartunik" pilersitsinissamik siunertaqarnerat, minnerunngitsumik si-unnersuutigineqartumiit siusinnerusukkut, tassa UPA 2025-mi saqqummiinissamik siun-ertaqarlutik allannguutissamik siunnersuuteqarnerat Inuit Ataqatigiinit taperserpar-put.

Taamatut oqaaseqarluta siunnersuut Inatsisinut Ataatsimiititaliamut ingerlateqqippar-put, eqqatueqqinneq tassami pisinnaammat.

Qujanaq